



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

Beati, Gabriele

Augustæ Vindelicorum, 1729

VD18 90108957

54 An peccatum, ex se, mortale, ex imperfecta libertate, fieri possit veniale.

urn:nbn:de:hbz:466:1-39908

Q V A E S T I O L I V.

An peccatum ex se mortale, ex imperfecta libertate, fieri possit veniale.

C A S V S.

DVM Titius fæminam quandam curiosius aspiceret, occurrit illi turpis cogitatio, & aliqui etiam motus in appetitu sensitivo. Et quamvis ad eorum malitiam, aliquam habuerit aduententiam, ob vehementem tamen distractionem ad alia, fuit negligens & in cogitatione repellenda, & in motibus reprimendis. Quæritur; Utrum mortaliter peccauerit.

S V M M A R I V M.

- 2 Quæ ad peccatum mortale requirantur.
- 3 Imperfecta libertas, non videtur reddere posse veniale peccatum, quod alias esse mortale.
- 7 Nec videtur explicari posse, in quo consistat hæc semiplena libertas.
- 8 Quid sint motus primo primi, quid secundo primi.
- 9 Quid consensus directus, quid indirectus.
- 10 Semiplena libertas. peccatum alias mortale, reddit veniale.
- 11 Peccatum mortale, plenam delibera-
tionem requirit.
- 12 Ne nimis sit difficultis ad cælum via.
- 13 Debet esse plene voluntarium.
- 14 Consensus imperfectus, reputatur com-
muniter solum veniale.
- 15 Hemo, iuxta diuersum statum, pre-
cepta grauiter, vel leuiter violat.
- 16 Semiplena libertas, est sufficiens ad
veniale.

17 Ideo ab eo non excusat.

18 Semiplena aduententia, in quo con-
sistat.19 Ad peccatum mortale, requiritur
aduententia ad malitiam actus.20 Sufficit aduententia ad malitiam in
genere.21 Indicia semiplena aduententia, ac li-
bertatis.

R A T I O N E S D V B I T A N D I.

CVm peccatum mortale sit essentiali-
ter separatiuum hominis ab ultimo
fine, qui est Deus, dissolutium ami-
citiae Dinæ; & allatiuum pœnæ æter-
næ, & consequenter offensa Dei grauis;
tria ad illud necessariò requiruntur.
Primò, vt in eius obiecto sit talis
malitia, quæ cum ultimo fine repugnet;
si enim malitia non esset talis, refun-
dere non posset in actum deformitatem
suf-



sufficientem ad hominem ab eo sine separandum. Quæ autem obiecta sint hoc modo mala, colligitur vel ex scripturâ; vel ex mente Legislatoris; vel ex grauitate ipsa rei, quæ præcipitur, aut prohibetur; vel denique ex communi sensu Doctorum. Secundò, ut hæc obiecti malitia perfectè cognoscatur, si enim cognoscatur, actus in ratione mali, non erit liber. Tertiò denique ut voluntas in illam perfectè, vel directe vel indirecte consentiat; si enim non consentiat, actus, in ratione mali, non erit voluntarius. Cum autem aliquid ex huiusmodi requisitis deest, peccatum, quod alias ex genere suo esset mortale, vel nullum est, vel sit veniale.

³ Dubium tamen est; an imperfecta libertas, quæ oritur, vel ex imperfecta aduertentia, vel ex imperfecto consensu, sit sufficiens ad reddendum veniale peccatum, quod alias, ex se, esset mortale. Aliqui enim putant, non sufficere; Ideoque Titius, turpem cogitationem non expellendo, nec motus reprimendo, vel mortaliter, vel nullo protus modo, peccasse. Ita Ioan. Sanch. in select. d. 18. Medina I. 2. quæst. 74. art. 6. docum. 5.

⁴ Primò; Quia Deus sua præcepta non imponit semihomini, sed homini integro, & suarum potentiarum Domino, sed Titius, dum erat ad alia vehementer distractus, non erat suarum operationum integrè Dominus, magis quam semidormiens, vel semiebrius. Ergo nullam à Deo obligationem habebat; ideoque neque venialiter peccauit.

⁵ Secundò; Quia Titius, dum in turpi cogitatione expellenda, & sensualibus

motibus reprimendis, erat negligens, vel plenè deliberare potuit, vel non; si non potuit, nullo modo peccauit; si potuit, iam videtur mortaliter peccasse. Ergo vel mortaliter, vel nullo modo peccauit.

Tertiò, Quia, si semiplena aduertentia potuit negligentiam alias mortalem excusare à mortali, & facere veniale; poterit etiam, si feratur circa peccatum veniale, v. g. circa mendacium iocosum, ab illo excusare, alioquin semiplena deliberatio fauorabilior esset peccato mortali, quam veniali, quia à mortali excusaret, & non à veniali. Cum ergo à veniali non excuset, neque excusabit à mortali.

Quartò; Quia explicari non potest, in quo consistat hæc semiplena aduertentia in peccato; nam consistere non potest in difficultate cessandi à peccato, quia hanc experitur homo valde ad malum inclinatus, etiam cum plena deliberatione: neque in cognitione, sive aduertentia remissa ad obiectum, quia in gradu quantumcumque remisso dari potest cognitione sufficiens ad reddendam voluntatem perfectè liberam, ergo hæc semiplena aduertentia propriè non datur.

NOTABILIA.

Aduertendum est primò, Aliquos in nobis dati motus, qui dicuntur primo primi, quia omnem rationis usum, ac malitiæ considerationem præueniunt, ideoque voluntarij non sunt, cum voluntas non feratur in incognitum; ut cum quis die iejunij comedit, apprehendens cibum, vel sibi utilem, vel

M m 2 sen-

sensi delectabilem, sed ad prohibitio-
nem, ac ieiunij præceptum non aduer-
tens; Tunc enim comestio, cum omnem
turpitudinis, ac malitiae aduententiam
præueniat, dicitur motus primo primus.
Præter hos autem dantur etiam in no-
bis alij, qui dicuntur secundo primi,
quia prius succedunt, & cum aliqua
malitia cognitione, ac aduententia con-
iuncti sunt; vt, cum quis aliquam ha-
bens ieiunij, ac prohibitionis cogitatio-
nem, sive aduententiam comedit. Pri-
mi motus, cum voluntarij non sint,
ad culpam imputari non possunt; Se-
cundi vero, cum ratione aduententia
ad malitiam præcaueri possint, ac re-
pellri, aliquo modo voluntarij sunt, ideo-
que imputantur ad culpam iuxta men-
suram ipsius aduententia; Sicut enim
ad peccatum, aliqua requisitur aduer-
tentia, ita ad peccatum mortale, requi-
ritur aduententia perfecta; ad veniale
vero sufficit imperfecta.

9 Aduertendum est secundò; Duplicem
dari voluntatis consensum; Primus, di-
citur directus, ac expressus, quia volun-
tas, per illum, directe tendit in obie-
ctum, illud volendo; vt, cum quis, ex-
periens aliquos motus in appetitu sensiti-
vo, illos vult ibi esse, in iisque dele-
ctatur. Secundus dicitur indirectus,
sive interpretatiuus, ac virtualis, quia,
per illum, voluntas non directe fertur
in ipsum obiectum, sed vel in eius cau-
sam; vt, cum quis, vult curiose legere,
vel iocose loqui, aut immoderate aspi-
cere; ex quibus excitari regulariter solent
motus illi in appetitu sensitivo; vel il-
lud non impedit, cum possit, ac teneat-
tur; vt, cum quis eisdem motus expé-

periens, illos non impedit, aut reprimit,
animum ad alia diuertendo. Quamuis
autem ad peccatum non sit necessarius
consensus directus in obiectum malum,
sed sufficiat indirectus, eo quod, in mor-
alibus, idem sit, voluntatem velle cau-
sam, vel non impedire effectum, cum po-
test, ac debet, ac velle ipsum effectum, ali-
quidam necessario requiritur, cum nihil
sit peccatum, nisi sit voluntarium, &
voluntarium dicatur id, cui voluntas
consentit. Ad peccatum autem morta-
le, requiritur consensus plenus ac per-
fectus, sicut ad veniale sufficit imperfec-
tus; nimis enim durum esset, hominem
propter consensum solum imperfectum,
Diuinam amicitiam priuari, ac pœna æter-
na puniri, sicut punitur propter mor-
tale. His positis,

RESOLVATIO.

Respondetur, Titium, propter semi-
plenam libertatem, venialiter so-
lum peccasse. Vasq. I. 2. d. 107. Nauar.
in sum. prælud. 9. Bonac. de pecc. d. 2. quest.
2. pun. 3. num. 2. Sanch. lib. 1. sum. cap.
10. num. 10. Lessius lib. 4. c. 3. d. 5. nu.
116. Azor. tom. 1. lib. 4. c. 5. qu. 2. Re-
ginal. lib. 11. cap. 5. & alii apud istos.

Primo; Quia ex uno capite, qui se-
mplenam libertate in peccatum consentit,
libere consentit, & consequenter peccat;
sed Titius cum semiplenam libertate tur-
pem cogitationem faltem indirecta in
ipsa negligientia voluit. Ergo peccauit.
Ex alio vero peccatum non potuit esse
mortale, quia peccatum mortale, cum
Diuinam amicitiam dissoluat, & homini-
nam æternæ pœnae reum constitutat, ple-
nam

nam deliberationem, ac libertatem requirit, sicut illam requirunt Diuina amicitia, ac finis ultimi adeptio, cum sint res grauissimæ. Sicut ergo amicitia Diuina, per actum contritionis solum semiplene liberum, recuperari non potest; ita nec per actum malum, solum semiplene liberum, amitti; neque enim minor libertas requiritur ad gratiam amittendam, quam ad illam recuperandam.

12 Secundò; Quia, si quælibet aduentitia ad peccatum mortale, sufficeret, nimis ardua, ac difficilis esset ad cælum via, nec Christi ingum suave dici posset ac leue. Ergo, sicut ad peccandum, aliqua aduentitia requiritur, ita ad peccandum mortaliter, requiritur aduentitia plena.

13 Tertiò; Quia consensus imperfectus, imperfecte solum est voluntarius. Ergo etiam imperfecte solum erit peccatum ideoque solum veniale; Ratio enim peccati, sicut essentialiter requirit rationem liberi, ac voluntarij, ita illi commensuratur.

14 Quartò; Quia omnes communiter dum leuem negligentiam in temptationibus repellendis committunt, venialiter solum se peccare existimant. Negligentia autem illa est consensus quidam interpretatinus, ac virtualis. Ergo consensus imperfectus, ex communī hominum sensu, est peccatum solum veniale.

OBJECTIONVM SOLVTIO.

15 N^eque obstant rationes in contrarium. Nam ad primam Respon-

detur; Deum homini præcepta impunere absoluè, ipsum vero hominem, iuxta diuersum statum, in quo reperitur, illa grauiter, vel leuiter violare; Cum ergo Titius ea, ad alia vehementer distractus violauerit, leuiter solum violuit, & non integrè.

Ad secundam Respondeatur; Titium 16 tunc non potuisse plene deliberare; hinc tamen non sequi, quod nullo modo peccauerit, sed solum quod non peccauerit mortaliter; cum enim semiplenam deliberationem haberet, habebat etiam libertatem sufficientem ad veniam peccandum.

Ad tertiam; Negatur consequentia; 17 semiplena enim aduentitia excusare potest à mortali; quia ad hoc sufficit, vt opus, plena libertate, legi Dei non opponatur, at ad excusandum à veniali requireretur, vt libertate omnino careret; Cum ergo opus supponatur semiliberum, erit etiam semipeccatum, hoc est peccatum veniale, ac imperfectum.

Ad quartam Respondeatur; semiplenam deliberationem consistere in cognitione confusa malitia; orta vel ex eo, quod quis nondum sit integrè à somno excitatus; vel ex eo, quod sit semiebrius; vel ex eo, quod sit ad alia notabiliter distractus; vel denique ex eo, quod animum, passione aliqua vehementi, adeo occupatum, habeat, vt ad id, quod agit, vix attendat. Cum cognitione enim adeo confusa dari non potest perfecta libertas, sed solum imperfecta.

Mm 3

COROL-

COROLLARIA.

19 Colligitur ex dictis primò; Ad peccatum mortale non sufficere aduentiam ad actum malum, sed requiri aduentiam, & cogitationem malitiae ipsius actus. Ut quis enim contra ieiunij præceptum peccare dicatur, non satis est, vt in die ieiunij aduerat se comedere, sed præterea requiritur, vt aduerat, comeditionem illam esse prohibitam: nam, si ad hoc non aduerat, dici non potest amplecti malum, ac peccatum, cum voluntas non feratur in incognitum; *Reginaldus lib. 11. cap. 3. num. 31.*

20 Secundò; Ut aliquod opus sit mortale, non requiri plenam considerationem malitiae obiecti, quatenus mortalis est, sed sufficere considerationem, & aduentiam & malitiam in genere; posita enim hac aduentia, potest quis ac tenetur inquirere, an malitia sit gravis, uel leuis; nisi enim hoc inquirat, mortaliter peccandi periculo se exponit, censeturque, opus illud velle, quamcumque malitia sit affectum. *Vasq. 1. 2. d. 117. num. 14.*

21 Tertiò; Aliquas assignari coniecturas ad cognoscendum in dubio, num quis plenam, an verò semiplenam tantum

aduentiam, ac libertatem habuerit. Primo enim; si quis dubitet, an perfectè à somno fuerit excitatus, vel ebrietatem depulerit, vel cogitatione, aut passione aliqua vehementi, animum occupatum habuerit, iudicare poterit, se perfecte non aduersisse, nec consensisse. Hæc enim, sicut, quando sunt perfecta, libertatem tollunt, ita cum imperfecta sunt, illam minuunt. Secundo, cum quis rei male tentationem aduentens, se ita dispositum sentit, vt, quamvis posset, non exequeretur; tunc enim signum est, vel nullum, vel imperfectum solam aduersisse consensum; quia, cum potentia executiva voluntati omnino obtemperet, si homo sit ita dispositus, signum est, etiam in voluntate, aut fuisse dissensum, aut imperfectum consensum: cum de consensu aliunde non constat. Tertiò denique, si homo timorata sit conscientia; tunc enim presumere poterit, se plene non consensisse; sicut e contra, si perditis sit moribus, plene consensisse, quia à communiter contingentibus desumitur fortissima præsumptio, &c., si peccato consensisset, facile cognosceret, cum nostrorum actuum nobis sit debita cognitio. *Sanchez lib. 1. in dec. 6. 1. num. ult.*



QVÆ.